



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Annvs Diervm Memorabilivm Societatis Iesv. Sive  
Commentarius quotidianae virtutis, notabilem vnius, vel  
plurium in Societate vitâ functorum, virtute quapiam  
insignium memoriam in menses diesque ...**

**Nádasi, János**

**Antverpiae, 1665**

XI. Die Martii.

**urn:nbn:de:hbz:466:1-9625**

IOANNES BAPTIST.  
MOCCHIVS COAD.

Italus Placentiz. 10.  
Mar. 1691.  
Soc 50.  
Humilita.

DE hoc Venetæ annuæ sic habent: Pater vocari, Quadrato vti pileo, aut veste quàm Coadiutoribus permittat regula longiore, nullo vnquam pacto voluit. Quadratum pileum ne vel mortuo imponerent, enixè obtestatus est. Et hanc illius modestiam visus est Deus honorare, quando mortuus Ioannes Baptista, peculiari eorum curâ qui aderant (ob virtutis magnæ opinionem) inter Sacerdotes est conditus. Patres non tam comitabatur quàm sequebatur. DEIPARÆ cum Angelo salutandæ aded amans, vt ab extrarijs Aue MARIA nomine nuncu-

B.P.

Omnes SS.

paretur. Omnes sanctos nouo rosario colebat. Cubiculum illius ornabant angustia, tenebræ, paupertas. Anno 1630. nostris pestilentia tabidis inexplicabili charitatis flagrantia seruiuit. Corpus fame, siti, frigore cruciabat. Si quid tolerandum esset, in ore sæpè illi erat: *Et hoc breue est, sancta patientia.* Vestes illius, & quicquid suo vsu veluti consecrasset, passim, & ab illustissimis quibusque petum ad venerationem, ipso quoque Duce per epistolam aliquid eius postulante, & datum sibi pileolum gratè accipiente: Nempe illius qui quadratum pileum nolebat modestiam voluit Deus in pileolo honorari. Imago quoque illius, aliquorum, & quidem primæ notæ virorum, pietati permissa est. Plura vide ibi.

Mortif.

XI. DIE MARTII.

P. P E T R V S  
ALBIZIVS.

Italus Neapoli. 11.  
Mar. 1610.

Hic Iulij Cæsaris Recupiti adolescentis Societatem constanter vrgentis, eaque propter orandi ac pia lectitandi studio impensè addicti, exemplo, ipse quoque animum ad Societatem adiecit. De illo Collegium Neapolitanum hoc elogium typis & luci dedit: Cum ab honorum expedito curriculo deflexisset ad humilem vitam, Deoque fidem in Societate nostra despondisset, ingenti contentione studium solidarum virtutum percurrit. Et cum in omnibus eius actionibus esset quod commendares, vnum tamen alterumve maximè admiraberis. Lita-  
tabat Deo incredibili sensu pietatis, & litanem illum (quod agmen liquidarum oblectationum vbertim affluebat) sæpè Ioannes Franciscus Orificius

Episcopus Acernatum in aërem sublimem extolli viderat, spiritu sarcinam corporis eleuante. Cum ergò progressu temporis Orificij nepos, (fratris filius) graui morbo corripere, adit Petrum, summam spei coniectam in ipsum prædicat, obtestatur, vt luem ægroto deprecetur. Obscurus Pater ad sacrificij finem (in quo pro more extrahin passus erat) Orificio renunciat puerum conualiturum. Accepto hoc responso, sacroque peracto reuertentem Episcopum à Templo nostro seruus excepit, à quo subductâ ratione temporis cognoscit, nepotem sanitatem accepisse eo ipso puncto, quo Petrus innuerat recipiendam. Quo quidem ex genere plura suppeterent de tanto viro narrari digna, si ei superstes Orificius fuisset. Hunc enim dicere solitum crebrò aiunt, se multa de Petro, & magna proditurum fore, nisi prior occumberet. Animaduersa

Oratio.  
Sacrum.

R. 3. item

ermanns  
andsperr  
Mar. 1636  
at. 60.  
c. 41

item ab alijs est mira in eo dexteritas tractandi animos & agendi, præcipue cum ijs quorum filij, aut propinqui in Religionibus Deo se consecraverunt. Nec sanè mentior, si trecentos, eoque amplius illius operâ, ac labore Religiosum habitum induisse affirmaro, vt de reliquis eius, & quasi domesticis virtutibus ne verbum quidem faciam. Sic de illo Collegium Neapolitanum.

### IOANNES DE BARCO COADIUT.

Limæ. 15.  
Mar. 1617.

Cum per ipsos 20. annos Limæ humilitate, labore accuratione magnâ culinam curaret, Peruvianus Prorex tantum in illa nitorem admiratus, & causam quærens, responsum ab eo audiuit: Hæc se idcirco ita nitidè curare, vt eo nitore arctiorem cum Deo familiaritatem, & coniunctionem nancisceretur. Quæ Ioannis verba Proregem adedè permouere, vt se flagrantissimo virtutis desiderio inde accensum dixerit, factisque ostendere decreuerit, aliâ planè vitæ inîtâ ratione. Quoties idem Ioannem videbat, aiebat sibi in illius ore, ac vultu augustum nescio quid oculis obuerfari. In alijs quoque manujs tam curatè omnia, & feliciter expediebat, vt pro exemplo alijs proponeretur ad imitationem. Si quid arduum occurrebat quod vix vllus alius perfecisset, superabat Ioannes ingenti sociorum admiratione; ad quam ille rem duopotissimum adhibuit; orationem, & corporis afflictationem.

Intensio.

### P. EMMANVEL BARRETUS.

Quintodecimo ætatis anno in India Societatem inijt, spiritualis postea in ea Coadiutor. Iaponiæ vtilem dicendo industriam nauans idoneum planè ingenium attulit ad operas animarum Christo ac Ecclesiæ in gremium adductarum per plura regna vastæ Iaponiæ. A Cuborama in exilium relegatus, alio schemate quàm exierat, dissimulantia insigni redijt; & Christianos variè fouens, atque confirmans, in summa rerum ad vitam degendam necessariarum penuria, inter confertissimos labores ærumnosæ vitæ finem imposuit.

Lustranus  
Quanti in  
Iap. 11. Mar.  
1610.  
ætat. 56.  
Soc. 41.  
Fides.

### P. GVILIELMVS LEVESQUIVS.

Hic anno 1618. dixit, se quarto post anno pridie quàm Beati Ignatius, & Xauerius in sanctorum numerum ritè à summo Pontifice referantur, è vita discessurum. Veritatem vaticinij mors tunc obiraaffirmavit. Probitatis magnæ nomen illi celebre, quod arcana cordiû introspicere morbos pellere illi res fuerit nec noua nec rara. Sed maior his fuit eius pietas, humilitas, virtus denique solida, & sincera: de quibus in eius vita.

Gallus  
Neapoli. 11.  
Mar. 612.  
S. P. Ignat.  
& Xaust.

### BALTHASAR VAN SVRCK NOVITIUS SCHOLAST.

Hoc die innocentem animam edidit Balthasar primus è septem fratribus perpetuâ masculorum nec feminis

Belga Mo-  
chlinæ. 11.  
Mar. 612.  
ætat. 18. Soc. 15

minis interrupta serie nascentibus, pietatem ingressis ad immortales evocatus. Orandi, ac omnia quæ illi incumbebant curatè omnibus numeris absolventi fuit studiosus, & in DEIPARÆ Virginis cultu constans. Quippe qui si Rosario recitando interdium fatigatus otij nancisci non posset, veniam impetratam id noctu persolveret ac postridie bis illud evolueret. Morti iam appropinquantem vires adeo destituerant, ut per eas ei consuetum Rosarium

recitare minimè sciret. Ergo ingenio supplendum ratus, magno pie tenentis sensu Magistrum rogavit ut quando ipse id quod vehementer optaret minimè posset, iuberet ipse Novitium quendam sibi adesse, qui clarè voce coram se Rosarium recitaret: velle se illum orantem corde attento sequi, ut cor sit linguæ iam ad hæc tarde ac minimè idoneæ supplementum.

Constantia in cultu B. V.

## XII. DIE MARTII.

## IOANNES DE BANNOS COAD.

catus paruit, ita ut erat altero tantum pede vestitus. Moriens rogatus quomodo haberet, valde bene sibi esse, ac insigni solatio se recreari respondit.

## P. MICHAEL LAURETANVS.

Cognomen illi à Lauretana B. V. domo adhaesit, in qua sanctuario illi servivit puer. Ibi conceptam erga B. Virginis cultum propensionem ita semper aluit, ut nihil aggredere, nisi prius illam in consilium auxiliumque pie innitatur. Collegij Germanici primus Rector cum ad iuvenes dicturus esset, meditatè omnia conijciebat in chartam, & illis efficacitatem oratione, ac sui dictatione à Deo flagitabat, & conscientiam religiosè expiabat. Nitor domus Dei valde illi cordi erat. Ipse templum scopis vertere, ipse ceram è pavimento abraderè, omnia depurgare. Sacram Hungarorum ædem, cui S. Stephani rotundi nomen, itemque S. Apollinaris templum pictis Martyrum trophæis ornavit. Illum à Claudio Aquaviva Generali visitatorem in Poloniam destinatum,

Illiricus Romæ. 12. Mar. 1587.

B. P.

Septem fratres in Societate.

B. V.

Hispanus Valentia. 1575. die incerto Societatis ingressus, 12. Mart. 1559.

Ante initam Societatem uxorem in matrimonio habuit, non alio quam sororis loco. Noctis partem alteram somno, alteram orationi proluxa dabat. In Societate quoque noctu non semel deprehensus humi flectens, & orans, Calceorum soleas fortè auulsa accommodari non curabar, ut S. P. Ignatii exemplo pedes affligeret, aliàs quoque crebro, & vario cruciatu seuerus in corpus, quod non nisi inuitus, & modicè pascebat, multis autem, spontè quoque inuentis laboribus atterebat, nihil sibi laxamenti usurpans, nec solis ardorem timens. Impetrarat Gandia ut alenda suæ pietatis causâ, posset cum Novitijs versari, ubi si somnus illi obreperet, Magistri Novitiorum iussu scamnum conscendebat, ibique perstabat. Fuit cum totius vniuersitatis noctis pernegligatio dura visa non esset in scamno illo stanti. Manè postridie illis repertus causam petentibus, respondit, sibi fuisse imperatum, ut in scamno illo staret, non verò ut descendere. Valentia verò à Superiore benè manè inter surgendum vo-

Obid. 1600.